

文獻通考卷八十七

鄱陽馬端臨貫與著

郊社考

藉田祭先農

周制。天子孟春之月。乃擇元辰。親載耒耜置之車右。

帥公卿諸侯大夫躬耕藉田千畝於南郊。藉借也借人力以理

之勸天下使務農也謂之帝藉天子藉田千畝於南郊諸侯百畝謂藉於南郊冕而朱紘躬

秉耒。天子三推。推發也諸侯三公冕而青紘反執爵

于太寢三公九卿諸侯大夫皆御。命曰勞酒。既耕而燕飲以

勞羣臣也大寢路寢御侍也內宰上春詔王后帥六宮之人而生

種稷之種而獻之於王

六宮之人夫人以下分居后之六宮古人使后宮藏種以

其有傳類蕃孽之祥必生而獻之者示能育之使不陽敗且以佐王耕事供祭祀也先種後熟謂之種後

種先熟

甸師掌帥其屬而耕耨王藉以時入之

其屬

也耨鋤也王藉謂王者藉田千畝帥公卿以下親耕之處也甸師師庶人終耕之入其收於王以供粢盛

宣王卽位不藉千畝

自厲王時藉田禮廢宣王卽位不復遵古

虢文公諫曰

號仲之後為王卿士

不可夫民之大事在農上帝

之粢盛於是乎出是故稷為大官

民之大事在農故稷之職為大官

古者太史順時視

音脉視也

土陽瘳憤盈土氣震發

瘳丁

○瘳厚也憤積也盈滿也震動也發起也

農祥晨正

農祥房星也辰正謂立春之日晨中於午

也農事之候

日月底于天廟

底音旨○底至也天廟營室也孟春之月日月

皆在土乃脉發脉理也農書曰春土冒先時九日先

營室聲○先先太史告稷曰自今至于初吉告古每反○

立春日也日也詩云陽氣俱蒸土膏其動蒸升也膏土潤也弗

震弗渝脉其滿膏穀乃不殖震動也渝變也膏災也

當即發動變瀉其氣不然則脉稷以告以太史之王

滿氣結更為災病穀乃不殖曰史帥陽官以命我司事曰距今九日土其俱動王其

祇祓監農不易王乃使司徒咸戒公卿百吏庶民百吏

百官也庶民自師氏所掌之司空除壇于藉司空掌

命農大夫咸戒農用農大夫田畯也先時五日瞽告

有協風至瞽樂太師知風瞽者協和也風王即齋宮

氣和時候至也立春日曰融風

齋側皆反所齋之宮百官御事各卽其齋三日御治也王乃淳濯

饗禮淳沃也灌漑也饗飲也及期期耕日也鬱人薦鬯鬱鬱金香

草宜以和鬯酒也周禮鬱人掌裸器凡祭祀賓客和鬱鬯以實彝而陳之共王之齋鬯共音恭犧人

薦醴犧人司尊也王裸鬯饗醴乃行裸灌也灌鬯飲醴皆所以自香

潔百史庶民畢從及藉從去聲后稷監之膳夫農正陳

藉禮膳夫上士也掌王之飲食膳羞之饋食農正太田大夫主敷陳藉禮而祭其神為農祈也太

史贊王土敬從之王耕一撥撥鉢伐二音一撥一

耕班三之班次也三之下各三其上也王庶人終于

千畝終盡耕也其后稷省功太史監之司徒省民太師監

之省息耕反畢宰夫陳饗膳宰監之宰夫下大夫也膳宰膳大也膳夫

贊王。王歆太牢。班嘗之。庶人終食。是時也。王事唯農

是務。無有求利於其官。以千農功。三時務農。而一時

講武。三時春夏秋一時冬也。講習也。故征則有威。守則有財。若是乃

能媚於神。而和於民。今天子欲脩先王之緒。而棄其

大功。匱民之祀。而困民之財。將何以求福用民。王弗

聽。國語周語

漢文帝制曰。農天下之本。遂問藉田。朕躬耕以給宗

廟。粢盛舊儀。春始東耕於藉田。官祠先農。以一太牢

百官皆從。先農神農也。五經要義云。主壇於田所祠之。其制度如社之壇。賜三輔二

百里孝悌力田。三老種百穀萬斛。爲立藉田。倉置令

文獻通考

丞。穀皆以給天地宗廟羣神之祀。以爲粢盛。

景帝詔曰。朕親耕爲天下先。

昭帝幼卽位。耕於鉤盾弄田。

鉤盾宦者近署故往試耕爲戲弄

後漢明帝永平中。二月。東巡耕於下邳。

章帝元和中。正月。北巡耕於懷縣。其藉田儀。正月始

耕。常以乙日祠先農。及耕於乙地。畫漏上水。初納執

事告祠先農已享。

耕日以太牢祭先農於田所

耕時。有司請行事。

就耕位。天子三公九卿諸侯百官以次耕。推數如周

法。力田種各耰訖。有司告事畢。是月命郡國守皆勸

人始耕。

魏氏天子親耕藉田。藩鎮闕諸侯百畝之禮。

晉武帝太始四年正月丁亥。帝躬耕藉田于東郊。詔

曰。近代以來。耕藉田於數步之中。空有慕古之名。曾

無供祀訓農之實。而有百官車徒之費。今循千畝之

制。當羣公卿士。躬稼穡之艱難。以帥天下。先於東郊

之南。洛水之北。去宮八里。遠十六里。為北千畝。帝御木輅以耕。太牢

祀先農。自惠帝後。禮廢矣。

東晉元帝將脩耕藉事。竟不行。時朝議至尊應躬祠先農。不賀。循曰。漢儀

無躬祭之文。然王祭四望。則毳冕祭社。稷五祀。則絺冕。以此不為無親祭之義。

宋文帝元嘉二十一年。將親耕。時史學士山謙之以科鳴集其儀。因已奏

問詔言斟酌衆
條造定圖注

先立春九日司空大司農京尹令尉

度宮之辰地八里之外整制千畝中開阡陌立先農
於中阡西陌南御耕壇於中阡東陌北將耕宿青幕
于耕壇之上皇后帥六宮之人出種稷之種付藉田
令耕日太祝令以一太牢祠先農如帝社儀孟春上
辛後吉亥御乘耕根二蓋車駕蒼駟建青旂著通天
冠青幘青袞佩蒼玉蕃王以下至六百石皆衣青唯
三臺武衛不耕不改章服駕出如郊廟儀至藉田侍
中跪奏至尊降車臨壇大司農跪奏先農已享請皇
帝親耕太史贊曰皇帝三推三反於是羣臣以次耕

王公及諸侯五推五反。孤卿大夫七推七反。士九推九反。藉令率其屬耕竟畝，灑種卽耰，禮畢，乃班下州縣，悉備其禮焉。

齊武帝永平中，耕藉田用丁亥。

時有司奏正月丁亥可祀先農，比來並用

立春後亥正，儉以爲亥日。藉田經記無文，助教周山文議曰：蔡邕月令章句解元辰云：日幹也。辰，枝也。有事于天，用日有事于地，用辰何？佟之云：少牢饋食禮云：孝孫某，某日丁歲，用薦歲事于皇祖。鄭以不必丁亥，令但直舉一日以言之耳。禘太廟，禮日用丁亥，若不得丁，則用己亥。辛亥苟有亥焉，可也。漢文用此日耕藉，祠先農，後始承用之，非有別義。班固序亥位亦云：陰氣應無射，該藏萬物，而雜陽門種也。且亥旣水辰舍育爲主，播厥取吉，其在茲乎？

使御史乘馬車載耒耜從五輅。

梁初依宋齊禮，以正月用事不齊，不祭。天監十二年。

以起蟄而耕。

時在二月內尚書云以殷仲春藉田理在建卯於是改用二月

與百官

御事。並齋三日。沐浴裸饗。侍中奉耒耜載於象輅。以

隨木輅之後。

禮云親載耒耜措於參保介之御間則置所乘輅上

普通二年。又

移藉田於建康北岸。築兆域如南北郊。別有觀耕臺。在壇東。帝親耕畢。登此臺以觀公卿之推反。

後魏太武帝天興三年春。始躬耕藉田。祭先用羊。

北齊藉於帝城東南千畝內。種赤梁白穀大豆赤黍。

小豆黑稭麻子。大麥小麥。色別一頃。自餘一頃。地中

通阡陌。作祠壇於陌南阡。西廣輪三十尺。四陞三壝。

四門。又爲大營於外。設御耕壇於阡東陌北。每歲正

月上辛後吉亥。祠先農神農氏於壇上。無配饗祭訖。親耕。

隋制於國南十四里啟夏門外。置地千畝。爲壇行禮。播殖九穀。納于神倉。以擬粢盛。秸橐以餉犧牲。

唐制皇帝孟春吉亥饗先農於東郊。親耕於藉田。太宗貞觀三年正月。親祭先農。藉于千畝之甸。

初議藉田方面所在。給事中孔穎達曰。禮天子藉田於南郊。諸侯於東郊。晉武帝猶於東郊。今於城東。不合古禮。帝曰。禮緣人情。何常之有。虞書之平秩東作。則堯舜敬授人時。已在東矣。又乘青幣載

黛耜者。所以順於春氣。故知合在東方。且朕見居少陽之地。田於東郊。蓋其宜也。於是遂定。自後每歲常令有司行事。

高宗永徽三年正月。親享先農。躬御耒耜。率公卿耕於千畝之甸。

乾封二年正月。行藉田之禮。躬秉耒耜而九推。禮官奏陛下合三推。上曰。朕以身率下。自當過之。恨不終千畝耳。

初將耕藉田。閱耒耜有雕刻文飾者。謂左右曰。田器農人執之。在於朴素。豈貴文飾乎。乃命撤之。

儀鳳二年。親耕藉田於東郊。

景雲三年。親耕藉田。

武太后改藉田壇爲先農壇。神龍初。復改先農壇爲

帝社壇。

詳見社稷門

玄宗開元二十三年正月。親祀先農禮畢。降至耕位。侍中執耒。太僕執轡。上謂左右曰。帝藉之禮。古則三推。朕今九推。庶九穀之報也。遂進耕五十餘步。盡壠乃止。畢還齋宮。大赦。侍耕執牛官皆加級賜帛。其年十一月。親祀神農於東郊。以后稷配。親耕耒耜而九推焉。

憲宗元和五年。上將行藉田之禮。詔有司詳定儀注。太常言藉田禮廢已五十餘年。有司案牘無可檢尋。今據禮經及開元乾元故事。并徵前代沿革參詳定。勅付所司。未及施行而罷。

唐開元禮。皇帝吉亥享先農儀。攝事附

齋戒

前祀五日。皇帝散齋三日。於別殿致齋。二日一日於太極殿。一日於行宮。並對上辛儀。

陳設

前享三日。陳設如圓丘儀。前享二日。太樂令設宮懸。

樂如圓丘儀。唯樂懸樹路鼓。爲瘞埴於壇壬地。外壇之內爲異。前享一日。奉禮設御位如圓丘儀。唯設望瘞位於內壇東門之內。道南。又設奉禮位於瘞埴西南。東面南上爲異。攝事右校掃除壇之內。外。享二日。衛尉設享官公卿以下。次於外壇東門外。道南北向。太樂令設宮懸前享一日。奉禮卽設享官公卿位於內壇東門內。道北。執事位於道南。西向北。設御史位於壇下。如式。又設奉禮位於樂懸東北。贊者二人在南。差退俱西。向北上。又設奉禮贊者位於壇埴東面南上。設協律卽位於壇上。西陞之。西東向。太樂令於比懸間。享官門外。位皆於東壇外。道南。如式。又設御耕藉位於外壇南門之外。十步所南。南向。設從耕位。三公諸王諸尚書諸卿位於御座東南。重行。西向。各依推數爲列。其公

王尚書卿等。非耕者位於耕者之東。重行西向。俱北

上。介公鄼公位於御位西南。東向。以北爲上。尚舍設

御耒席於三公之北。少西南向。奉禮又設司農卿位

於御耒席東。少南向。西面。廩犧令於司農卿之南。少

退。諸執耒耜者。位於公卿耕者之後。非耕者之前。西

面。御耒耜二具。三公耒耜三具。諸王尚書卿各三人。合耒耜九具。以下耒耜太常各令藉田農人執之。

攝。無設於藉田。以下至此儀。設酒罇之位於壇上。神農氏犧罇二。

象罇二。山罇二。東南隅北向。后稷氏犧罇二。象罇二。

山罇二。在神農酒罇之東。俱北向。西上。罇皆如勺。幕有玷以置爵。

設御洗於壇南。陞東南。亞獻之洗於東陞之南。俱北